



BOSNIA AND HERCEGOVINA  
MINISTRY OF FINANCE  
AND TREASURY

CENTRALNA/SREDIŠNJA HARMONIZACIJSKA JEDINICA  
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 03-1-02-4-126-1/17  
Sarajevo, 17.03.2017. godine

Na osnovu člana 61. stav (2) Zakona o upravi („Službeni glasnik BiH“, broj: 32/02 i 102/09) i 33f. stav (2) tačka a), a u vezi sa članom 33i. stav (1) Zakona o finansiranju institucija Bosne i Hercegovine („Službeni glasnik BiH“ broj: 61/04, 49/09, 42/12, 87/12 i 32/13) i člana 24. Zakona o internoj reviziji institucija BiH („Službeni glasnik BiH“ broj: 27/08 i 32/12), te Zaključaka Vijeća ministara BiH broj 05-07-1-3760-34/16 od 09.01.2017. godine, direktor Centralne harmonizacijske jedinice Ministarstva finansija i trezora Bosne i Hercegovine, donosi

**ODLUKU**

**o donošenju Operativnog godišnjeg akcionog plana za provođenje Strategije razvoja sistema interne finansijske kontrole u institucijama Bosne i Hercegovine za 2017. godinu**

**Član 1.**

(Predmet odluke)

Ovom odlukom Centralna harmonizacijska jedinica Ministarstva finansija i trezora Bosne i Hercegovine donosi Operativni godišnji akcioni plan za provođenje Strategije razvoja sistema interne finansijske kontrole u institucijama Bosne i Hercegovine za 2017. godinu, kojim se detaljnije definišu rokovi i aktivnosti utvrđene u Akcionom planu Strategije.

**Član 2.**

(Sadržaj akcionog plana)

- (1) Sadržaj Operativnog godišnjeg akcionog plana zasniva se na Akcionom planu koji čini sastavni dio usvojene Strategije razvoja sistema interne finansijske kontrole u institucijama Bosne i Hercegovine.
- (2) Operativnim godišnjim akcionim planom preciznije se definišu rokovi i detaljnije razrađuju aktivnosti i indikatori za sve nosioce aktivnosti koji su zaduženi za njihovu realizaciju.
- (3) Operativni godišnji akcioni plan za realizaciju Strategije za razvoj sistema internih finansijskih kontrola u institucijama BiH predstavlja sastavni dio ove Odluke.

**Član 3.**

(Realizacija)

Nosioci aktivnosti, navedeni u Operativnom godišnjem planu, dužni su donijeti posebne akte o načinu realizacije planiranih aktivnosti u 2017. godini u skladu sa internim aktima kojima su regulisali oblast finansijskog upravljanja i kontrola u instituciji.

**Član 4.**  
(Izveštavanje)

- (1) Institucije - nosioci aktivnosti dužne su dostaviti poseban izvještaj o realizaciji Operativnog godišnjeg akcionog plana u skladu sa instrukcijama koje dostavlja Centralna harmonizacijska jedinica Ministarstva finansija i trezora Bosne i Hercegovine.
- (2) Centralna harmonizacijska jedinica Ministarstva finansija i trezora Bosne i Hercegovine će u posebnom poglavlju u redovnim godišnjim konsolidovanim izvještajima o sistemu interne revizije i finansijskog upravljanja i kontrole u institucijama BiH za 2017. godinu izvještavati o realizaciji mjera i ostvarivanju ciljeva iz Akcionog plana Strategije prema indikatorima uspješnosti utvrđenim u Operativnom godišnjem planu za 2017. godinu.

**Član 5.**  
(Objavljivanje)

- (1) Odluka i Operativni godišnji akcioni plan objavljuje se na web stranici Centralne harmonizacijske jedinice Ministarstva finansija i trezora Bosne i Hercegovine ([www.mft.gov.ba](http://www.mft.gov.ba)).
- (2) Centralna harmonizacijska jedinica Ministarstva finansija i trezora Bosne i Hercegovine će obavijestiti sve institucije o donošenju i objavljivanju Odluke o donošenju Operativnog godišnjeg akcionog plana.

